

Federacije Bosne i Hercegovine V. broj: 321/2013 od 15.05.2013. godine, po prezentaciji odgovarajuće dokumentacije.

#### V.

Razvojna banka Federacije Bosne i Hercegovine će pokretati pravne radnje radi prinudne naplate kredita iz tačke I. ove odluke, po nalogu Federalnog ministarstva finansija-Federalnog ministarstva financija primjenjujući svoje politike i akta.

Razvojnoj banci Federacije Bosne i Hercegovine pripada naknada za obavljanje komisionog posla u visini 20% obračunate ukupne kamate po kreditu iz tačke I. ove odluke.

Naknadu za obavljanje komisionog posla i sve troškove vezane za pravne radnje poduzete s ciljem prinudne naplate kredita iz tačke I. ove odluke, Razvojna banka Federacije Bosne i Hercegovine će naplaćivati kompenzacijom sa računa projekata Kuvajtskog fonda za razvoj broj 543, Saudijskog fonda za razvoj broj 1/350 i TAC BiH.

#### VI.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 325/2013

15. maja/svibnja 2013. godine

Sarajevo

Premijer

**Nermin Nikšić**, s. r.

### FEDERALNO MINISTARSTVO PRAVDE

**780**

Na osnovu člana 18. st. 4. i 5. a u vezi sa članom 36. Zakona o volontiranju ("Službene novine Federacije BiH", broj 110/12), Federalno ministarstvo pravde donosi

#### PRAVILNIK

#### O FEDERALNOJ NAGRADI ZA VOLONTIRANJE

##### Član 1.

Ovim pravilnikom uređuju se kriteriji i postupak za dodjelu Federalne nagrade za volontiranje (u daljnjem tekstu: Federalna nagrada), način objave javnog poziva, obavezan sadržaj prijedloga, kriteriji za odabir kandidata, visina novčane nagrade i izgled povelje.

##### Član 2.

Federalna nagrada dodjeljuje se svake godine na Međunarodni dan volontera, najboljem volonteru i najboljem organizatoru volontiranja.

##### Član 3.

Federalno ministarstvo pravde (u daljnjem tekstu: Ministarstvo) objavljuje javni poziv za predlaganje kandidata za dodjelu Federalne nagrade najkasnije do 1. oktobra za tekuću godinu.

Javni poziv iz stava 1. ovog člana sadrži: naziv nagrade, kriterije, obavezan sadržaj prijedloga, naznaku kome se prijedlog dostavlja i rok za dostavu prijedloga.

Javni poziv objavljuje se na web-stranici Ministarstva i u jednom dnevnom listu koji izlazi na području cijele Federacije Bosne i Hercegovine (u daljnjem tekstu: Federacija).

##### Član 4.

Prijedlog kandidata za dodjelu Federalne nagrade (u daljnjem tekstu: Prijedlog) mogu podnijeti fizičke i pravne osobe.

##### Članak 5.

Prijedlog mora sadržavati:

- 1) naziv nagrade za koju se predlaže,

- 2) podatke o predlagaoocu i kandidatu (ime i prezime za fizičku osobu odnosno naziv, sjedište i ime ovlaštene osobe za pravnu osobu),
- 3) pismenu saglasnost kandidata za sudjelovanjem u ovom postupku,
- 4) biografiju kandidata,
- 5) opis rada kandidata s obrazloženjem,
- 6) dokumentaciju koja potvrđuje da kandidat ispunjava kriterije i uspješnost djelovanja u području za koje se dodjeljuje federalna nagrada.

##### Član 6.

Ako prijedlog nije potpun ili ne sadrži dovoljno elemenata za odlučivanje od podnosioca će se zatražiti dopuna prijedloga u određenom roku.

Ako predlagalac ne dopuni prijedlog u roku iz stava 1. ovog člana smatra se da prijedlog nije niti podnesen.

##### Član 7.

Svi prijedlozi s pripadajućom dokumentacijom upućuju se Ministarstvu pravde u roku od 15 dana od zadnje objave javnog poziva.

##### Član 8.

Federalna nagrada dodjeljuje se za najznačajnije okončane aktivnosti volontera i pravnim osobama u volonterskom radu i organiziranju volontiranja koje su u skladu sa Zakonom o volontiranju:

- 1) dovele do poboljšanja kvalitete življenja više osoba, grupa osoba ili općoj dobrobiti,
- 2) dovele do aktivnog uključivanja više osoba ili grupa osoba u društvena zbivanja,
- 3) pridonijele razvoju humanog društva te volonterstva.

Kriterije za tekuću godinu u kojoj se nagrada dodjeljuje predlaže Komisija za utvrđivanje prijedloga za dodjelu nagrade, koju imenuje federalni ministar pravde.

##### Član 9.

Kad se Federalna nagrada sastoji u novcu, a dodjeljuje se pojedincu kao volonteru, utvrđuje se u visini od najmanje dvije prosječne neto plaće isplaćene u Federaciji prema zadnjem objavljenom statističkom podatku.

Kad se Federalna nagrada sastoji u novcu, a dodjeljuje se pravnoj osobi kao organizatoru volontiranja, utvrđuje se u visini od najmanje četiri prosječne neto plaće isplaćene u Federaciji prema zadnjem objavljenom statističkom podatku.

Ako Federalnu nagradu za isto područje ravnopravno dijeli dva ili više dobitnika, nagrada se dijeli među dobitnicima ravnopravno na iste dijelove.

##### Član 10.

Federalnu nagradu dodjeljuje Vlada Federacije Bosne i Hercegovine na prijedlog Ministarstva.

##### Član 11.

Izgled i sadržaj Povelje koja se dodjeljuje uz Federalnu nagradu nalazi se u prilogu ovog pravilnika i čini njegov sastavni dio.

##### Član 12.

Ovaj pravilnik stupa na snagu osmog dana od dana objave u "Službenim novinama Federacije BiH".

Broj 01-02-2-353-01/13

09. maja 2013. godine

Ministar

**Zoran Mikulić**, s. r.

BOSNA I HERCEGOVINA  
FEDERACIJA BOSNE I HERCEGOVINE  
VLADA  
Sarajevo

BOSNIA AND HERZEGOVINA  
FEDERATION OF BOSNIA AND HERZEGOVINA  
GOVERNMENT  
Sarajevo

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ВЛАДА  
Сарајево

Povodom Međunarodnog dana volontera  
dodjeljuje se

---

(Ime i prezime)

***P O V E L J A***  
***za najboljeg volontera u***

\_\_\_\_\_ ***godini***

*Broj:*

*Sarajevo,*

*M.P.*

***PREMIJER***

BOSNA I HERCEGOVINA  
FEDERACIJA BOSNE I HERCEGOVINE  
VLADA  
Sarajevo

BOSNIA AND HERZEGOVINA  
FEDERATION OF BOSNIA AND HERZEGOVINA  
GOVERNMENT  
Sarajevo

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
БЛАДА  
Сарајево

Povodom Međunarodnog dana volontera  
dodjeljuje se

---

(Naslov)

***POVELJA***  
***za najboljeg organizatora volontiranja u***

\_\_\_\_\_ ***godini***

*Broj:*

*Sarajevo,*

*M.P.*

**PREMIJER**